

71  
951


嵐溪樂府





小澤三郎

北遊の昔



特別  
78



4  
7  
98

版製即三晋林小


勝奇の木入越北







杉老の石投治文小





小治文投石の老杉




版三書林小

池ヶ生眞平ヶ吉











松陰弘寫





松陰弘寫



五十嵐神社の遊園にて

世の塵をあらひて落つる瀧津勢は


神の心も涼しかるら舞

正二位 東久世通禧



特ク  
981

嵐  
溪  
樂  
府



園 峰 池 坊 子

附  
録

和  
陶  
詩  
寄  
送  
詩

明治  
43 1. 12  
内交

八木山の清水を詠める

八木山のこかけ涼しく湧き出てこ

清水は神の恵こそ思ふ

参議中將 源 重 基



嵐 王子

小 柳 天 民 作

君不見銀浪奔波嵐溪水

輕舟一瞬過十里

舟師操櫂似急梭

飛奔如矢馳北海

又不見雲山重疊嵐溪鄉

東西延々開邇迤

四山如屏武陵源

鄉遠人敦習俗美

緬憶太古北鄙地

江河汎濫極渺瀰

土民未霑王化澤

常逐水草事遷徙

或穿土中時穴居

耕稼築屋法何解

蠢々蚩々草味民

垂仁天皇深憂是

乃與皇后懇相謀

命降北鄙嵐王子

曰使汝當撫字任

行矣皇基大振起

附王隨臣十餘人

王子年壯貌雄偉

丈餘身長殆雲衝

八拳美髯方地委

腰佩銀柄青虹劍

足穿金線飛鳳履

密々縫衣母后意

慇懃惜別王子姊

臨別何忍親子情

王子低頭不仰視

母后蔽面淚潛々

行矣勿怠汝歸待

王子二月出洛陽

洛陽二月媚桃李

公子王孫鬪豪游

雙々鳴珂白馬捶



祇園祠前時蹴鞠  
春日山頭或射雉  
王子對是何無情  
王子此時入北鄙  
北鄙雲山路八千  
險途惡路勞玉趾  
江河白日多龍蛇  
沼池夜陰感瘴癘  
時遇魑魅窮谷中  
或見蝮蝮深澗裡  
苦艱不屈王子心  
報恩惟期天顏喜  
主從漸到北鄙地  
濁流彭湃遠雷似  
懷山襄陵浩々兮  
欲渡舟楫何處在  
泥沙堆積大鵬嶋  
主從相見心神駭  
王子勵聲告衆曰  
帝詔銘肝凜在此  
汝等何事爲喪心  
伐樹相地建靈時  
主從遙拜皇祖靈  
又建假殿上沼浹  
茆茨不剪黑木殿  
傳帝詔土民役使  
沼水疎通爲平田  
川流築堤汎濫止  
海人受教漁鹽法  
山民始覺稼殖理  
土民歡喜各安堵  
山河一變面目改  
下沼之鄉更移居  
勵精孜孜不少怠  
慘澹經營下沼地  
遂爲沃野千家里  
取王名地改嵐溪  
建宮期年卽成市  
食饒家富民歡樂  
王入北鄙數十載

帝崩訃至從京洛  
使齋一片遺詔紙  
又齋數縷母后髮  
嗚咽且告母后死  
母后哀悼帝崩去  
一夜染病々不躓  
遂逐帝後泉下路  
母后病中北鄙指  
常思王子不暫忘  
王聞望洛轉歔唏  
悲哉人子亡父母  
况隔千里異域矣  
異域千里絕音信  
異域空濺孝子涕  
洛陽遙勞慈親情  
孝子慈親情一耳  
王子自茲心忽々  
遂薨斯土四月朏  
遺骸厚葬嵐水厓  
臣民哀慕如考妣  
王子當年怨何深  
雄魂空迷孝子鬼  
秋風淒々王墓下  
怨深此恨更無已

三 千 坊

嵐鄉曾住一法師  
法名眞教阿闍梨  
修眞言併修天台  
學德淵深戒嚴持  
法師元是南都僧  
止錫斯地布教爲  
時來寄身渡部某  
渡部土豪饒家資  
建寺寺名本都寺  
寺傍黑見川幽陁  
乃請法師爲開山  
安置佛像作行基



開基天祿庚午年  
庭前有樹名又奇  
云沒名樹葉似椽  
皮似銀杏花細微  
傳說移植天竺樹  
爾來信徒日歸依  
釋徒又來千里地  
老若信徒互醜財  
宏壯伽藍更建立  
彫欄畫軒薰夕暉  
金殿朱閣映朝暎  
佛殿夜々燈輝々  
鐘樓日々鐘杳々  
衆僧誦經聲調諧  
信徒滿堂佛緣結  
惜々寺名北海馳  
世呼斯地三千坊  
北海靈場第一推  
法師入寂數世後  
兵鼓動地聲如雷  
黑鳥詮任賊魁首  
面貌獍惡賊軍麾  
鯨波直迫槻田城  
賊徒猖獗我軍非  
城主三條定明卿  
叱咤城兵解重圍  
城兵退却三千坊  
賊縱輕騎忽窮追  
應戰苦鬪兵殆亡  
卿亦全身受瘡痍  
引刀自裁從臣家  
從臣介錯涕淚垂  
賊徒放火燒佛殿  
剝々必々風又吹  
絳焰煙灰竟天起  
靈場倏忽烏有歸  
城主遺骸葬此地  
音信不通天一涯  
卿姬頃來夢魂驚  
深閨空憂卿安危

遂出京地逐卿跡  
長途求宿日遲々  
濁流喚渡江漫々  
堪聞數行唳鴈歸  
却憐百點秋燕去  
卿姬心燥旅苦遺  
忽知夫卿非命死  
墓前拜跪徒傷悲  
老臣慰藉情慙慙  
侍婢共泣淚漣漣  
遺骸改葬裏館里  
姬剃髮稱妙泉尼  
又結庵稱寶塔院  
追弔夫卿之菩提  
想起靈場今何在  
蓋聞斯寺炎上時  
衆僧時携佛具類  
或又安置諸佛携  
各地四散建寺院  
一僧戀々故地思  
悄然獨殘炎上跡  
建小寺傍園池  
讀經悠々送餘年  
有猿偶來持松皮  
叫聲宛然似相語  
僧前合掌且躡蹠  
僧書經文戲與猿  
猿持松皮心似怡  
爾後數年輸山芋  
每秋不曾欠其儀  
崩雪壓猿深澤中  
猿遂壓死不復來  
時人其地云猿澤  
寺名猿寺亦因之  
隔祠數町又有寺  
石階亭々聳幽厓  
乃是當年本都寺  
寺僧來移此寺開  
開基去今六百年  
佛像彫欄保舊姿



依稀寺院舊時觀  
懷古悽然徒嗟咨  
我曾曳節靈場跡  
靈場秋草生離々  
蝶螭時浮園池水  
莓苔無拂古砌碑  
鬱々當年沒名樹  
但看枝上老鴉飛

眞生池

嵐鄉幽谷有一村  
蘆平清境絕囂塵  
村北靈池稱眞生  
路如梯級捫蘿攀  
池在巢守山々腹  
游鱗撥刺躍波間  
有鯉大者五六尺  
傳道去今一百年  
隣村某放數尾鯉  
鯉魚游泳顯黃昏  
大者往々躍池上  
巨鱗閃々宛冲天  
池水深碧深不測  
人怖無敢下釣竿  
或云恐觸龍神怒  
里人早魃穰龍神  
斯地曾住一道士  
常食木實與草根  
仙骨童顏住石窟  
身纏白衣葛布巾  
口唱伏魔秘密咒  
左手黃金鷄錫振  
右手鋼鐵禪杖握  
人得鷄錫鳴聲聞  
或遭禪杖々端觸  
去魔卻病悉快然  
道士脩法降錫地  
老若隨喜如蟻屯

有一暴漢殺道士  
自欲道士假裝紛  
暴漢伏身路邊蘆  
道士急路蘆草邊  
進足何知暴漢心  
潛息頻狙道士身  
暴漢勵氣持棍棒  
道士斯時唱咒文  
亂打撲殺剝衣了  
悉奪器具及囊錢  
投棄軀骸蘆葦中  
道士忽變一道煙  
忽又潑墨濃雲變  
迅雷霹靂雨滂盆  
巨雷落下暴漢死  
骨碎血迸極悲酸  
池生道士投軀地  
池中龍栖千仞淵  
乃稱龍化道士靈  
池名眞生其名眞  
去池里許曰笠堀  
阪邑如屏遶四山  
民風依然太古風  
斯村曾有一佳人  
自云京華良家子  
綺窓白日五絃彈  
紫陌黃昏蓮步試  
墨堤看花泛輕船  
品樓待宴賞明月  
佳人斯裡何知貧  
家道漸傾父兄死  
初覺京華生計難  
母子淪落來斯地  
母子幸受某家憐  
織布縫衣日夕業  
或雇富家奏管絃  
佳人舉止自都雅  
行人矚目心暗牽  
時來一男貌優秀  
時々來往某家門



佳人竊通慙慙情

每夜與寢去每晨

去時不知其往處

女母異之心不安

竊附鍼絲男兒衣

男兒去後仔細看

鍼絲蘆平龍神池

翌晨逐痕男兒痕

男兒入池忽化龍

口吐火焰龍髭噴

見女母沈九重深

女母喫驚絕心魂

漸醒心魂狼狽歸

自茲男兒不復臻

佳人空守閨房中

頃之佳人身有身

經月分身生男兒

重瞳腋下龍鱗

嵐太守為奇養之

命名小文治吉辰

及長勇力殆無雙

百尺老杉嵐祠前

樹頭猶篋盤大石

乃是吉辰所投云

投石地隔祠數丁

地稱吉辰舊館園

神話荒唐君休疑

寓話斯中深意存

嵐溪父老茶談夕

神話說來今尙傳

感歎一夜龍池夢

乃賦真生神話篇

八木

峰

是歲八月丁未秋

吾乘曉晴八木游

八木遠在嵐江源

孤杖草鞋穿輕裘

行過嵐祠至森街

有寺巨刹禪道修

寺中墓存野口某

野口劍法殆無儔

曾稱負劍入東都

竊與元祿義士謀

襲吉良邸鬪最力

斃敵數名復其讎

沿道左行又有寺

安置觀音靈驗周

寺號最明修真言

寺門仁王塗形髹

彫刻人神非凡作

怒顏雄姿活金眸

自茲漸脫塵寰喧

溪流潺湲浚鳥聲幽

去寺里許謁古祠

新田遺靈鎮北陬

祠前老杉綠陰茂

天方卓午食囊餽

又步少許到八木

仙境不覺紅塵留

舉頭驚見聳雲峰

低頭歎賞臨江樓

千巖呈奇石屏風

深潭為碧一泓油

亭々架橋懸空虹

翩々行舟泛波鷗

峰下有碑刻和歌

石泉清冽口渴瘳

吾試登攀八木峰

路盤虛空背先僂

峰聳碧漢眼殆眩

拾梯身似學攀猴

揭衣心是欲飛仙

冷々風生從寒湫

所經巖嶠無撮土

奇松矮樹自蟠纏

山果滿枝恰熟得

摘嘗其味似甘榴



珍花異草夾道生 一々不違其名收 峰巔漸登第一峰 孤高突兀壓神州  
 笑我乘雲飛冲人 飄々羽化碧天抽 叱咤撲地萬雷答 長嘯仰天望悠悠  
 連山北走朝峰臣 行雲西進盪空舟 森街歷々大於拳 車馬行人小如蟬  
 晴川一髮牽布練 遠巒數點游青鳩 多謝々々造化賜 一洗吾生萬斛愁  
 恍乎惚乎久佇立 日落飛鳥故林投 我又斯夜欲投宿 遽々下峰下林丘  
 叩門嵐江故人家 故人迎得禮意優 齟齬女兒見我笑 可憐孩兒語呢嘔  
 跟々踰々步未全 憶昔一別歲月遒 曾與主人游京華 少壯得々不知憂  
 高樓互傾麥酒盃 軒昂意氣氣吞牛 君今團欒家室在 我既班白徒悵惆  
 此裡豈無今昔感 奇偶何思天道由 主言今夜月三五 登樓與君大白浮  
 卽命家人調酒肴 樓傍嵐江枕清流 余喜相與登樓酌 欣々怡々頻獻酬

互話別後久濶情 快飲徹宵亦何尤 酒酣耳熱興愈加 光焰萬丈東山頭  
 忽升團々清秋月 玲瓏宛然水晶毬 須臾月光々燦爛 輝杯酒兮輝翠幃  
 銀色爛々映江波 於是吾醉主人謳 杯盤狼藉玉山倒 白駒行隙暫無休  
 吾與主人斯樓酌 他日再會相期不 使我若保七旬壽 三十年得斯會求

樂々園

千頃平田嵐溪村 延々漠々十里連 幽厓民祭王孫墓 老杉對矗古廟前  
 根似龍蟠枝成蓋 蒼々鬱々參九天 傳道王子薨去際 方植兩株表敬虔  
 常免烈風深雪害 豈容牧礪樵斤穿 悠々上古闕靈宮 赫々稜威千載崇  
 社鼓鳴時人澄耳 巫女舞時人改容 社宇曾藏宸筆額 或藏空海及道風  
 斯廟聖帝延喜朝 神名編入大社中 星移物換幾秋度 不幸村民歎歲遇



民多離散往他鄉  
 村政村運日退步  
 廟宇無脩委廢頽  
 王墓荒廢狐狸住  
 父老相傳天保歲  
 有貉穿穴王墓趾  
 有一里民欲捕獲  
 數步進入貉穴裡  
 咫尺不辨晝尙昏  
 乃照炬火穴裡視  
 忽看砌石橫重々  
 里民戰栗汗如水  
 恐怖反踵狼狽歸  
 歸來臥病數日起  
 廟宇頽廢家翁悲  
 多年計畫心魂摧  
 謀之里正安井氏  
 氏才雄偉富吏才  
 請願官衙進社格  
 懇諭鄉民募巨資  
 宏壯廟殿更建築  
 廟宇方復舊觀姿  
 參拜日加神德顯  
 社名嘖々江湖馳  
 王墓不顯翁深慨  
 東奔西走勉從事  
 謀之宮城三平氏  
 斯人忠純有宿志  
 探討遺績遍帝州  
 曾著日本帝陵記  
 親王嘉之賜手書  
 金石貫誠之四字  
 山陵使來從京師  
 標爲陵墓傳說地  
 其奈二氏相踵亡  
 我憐二氏意未遂  
 想起家翁私財捐  
 築庭園々廟祠沿  
 飛瀑淙々鳴寒玉  
 幽徑處々通假山

或架野約清溪下  
 或設涼亭爽垲邊  
 天造山水宛然就  
 詞人墨客來往繁  
 目爲我越之名勝  
 園名乃稱樂々園  
 翁時改容告狂生  
 我非徒樂園經營  
 惟期神德明於世  
 人間難保百歲齡  
 汝繼我志謹勿怠  
 須慰乃翁死後靈  
 言了涕淚潛々下  
 隙駒倏忽歲星更  
 園林依舊翁不見  
 只聞蕭々夜雨聲  
 朝來特覺秋氣爽  
 默坐悽然無限情

賦了嵐溪太古詩  
 微衷一片鬼神知  
 殘燈此夜凭書几  
 血淚潛々先考思



附錄

和陶二十首

人。生。百。歲。後。靈。魂。何。處。之。斯。言。人。皆。厭。紅。顏。復。幾。時。紅。顏。一。朝。改。  
老。衰。始。自。茲。徒。願。千。年。壽。迷。心。生。百。疑。臨。死。無。迷。心。賢。哲。真。克。持。

其二

好。鳥。慕。幽。林。寒。士。愛。故。山。笑。斯。避。世。子。苦。吟。弄。狂。言。卜。居。碧。山。裡。  
悠。々。送。天。年。曾。著。人。道。書。漫。期。死。後。傳。

其三

我。悲。勢。利。友。見。利。熱。交。情。却。愛。道。義。友。樂。道。忘。利。名。依。勢。張。陳。徒。  
隨。義。管。鮑。生。勢。交。多。翻。覆。離。畔。寵。辱。驚。道。交。堅。終。始。推。濟。德。業。成。

其四

瑟。々。金。風。急。山。村。落。葉。飛。草。枯。秋。野。暮。蕭。條。人。易。悲。問。是。誰。家。子。  
弊。衣。柴。戶。依。跟。踰。步。未。全。頻。候。慈。母。歸。荷。鋤。歸。來。夕。樵。悴。顏。色。衰。

其五

衆。花。謝。園。圃。却。愛。開。秋。英。晚。節。傲。霜。意。宛。似。高。士。情。昔。聞。彭。澤。老。  
撫。琴。罇。酒。傾。悠。々。吟。隴。畝。詩。名。千。載。鳴。堅。守。南。山。節。高。風。益。吾。生。

其六

世。態。千。萬。變。昨。非。又。今。是。紛。々。衆。論。殊。誰。無。譽。與。毀。咄。彼。雷。同。子。  
汲。々。胡。寧。爾。我。道。乃。一。貫。不。擇。管。與。綺。

其七

山。村。秋。雨。止。鳥。雀。軒。端。喧。田。家。祈。秋。實。天。道。豈。爲。偏。豐。歲。蒼。生。慰。



收穀積如山

輸穀賣城市

農夫跨馬還

得錢歸來夕

舉家嘻言

其八

桃李問松柏  
笑汝浮華奇

憐汝寂寞姿  
灼灼在幾久

碌碌保何美  
須臾凋落為

徒伸百尺枝  
不知歲寒秀

松柏答桃李  
常甘俗界羈

其九

溪山復舊綠  
數奇與時乖

樹々花又開  
已哉歸去來

憶我山中人  
托身此幽栖

平生多閒懷  
笑殺我酒量

曾抱青雲志  
未至醉如泥

冗々韻未諧  
百年誰能回

却異詩百篇

詩惡不足憂

但願無津迷

君見迷津人

其十

鬱々澗畔樹

空榮在邊隅

良材無識者

腐朽歸塵塗

灼灼園中花

觀客車馬驅

名聲著江湖

愛觀盛宴餘

問君斯兩者

孰能得其居

其十一

堪笑不死藥  
芳槿一朝槁

又笑長生道  
壽夭因其性

彭祖八百歲  
安分物皆好

蜉蝣日暮老  
達人不恐死

松柏千年壽  
惟善為至寶

方脫生死念

卓乎立人表

欲釋千古疑

咄々俗中士

浮學世上欺

其十二

蓋聞好道士  
心血傾注茲

篤學無失時  
不知老將至

渴望求良師

千里遠不辭

淡如安清貧

薄志薄於紙

翩々何所之

欲釋千古疑

咄々俗中士

浮學世上欺

其十三

人世似鬪碁

黑白互爭境

輸者昏如醉

贏者快如醒

凡手時臨碁



未得局面領。碁石陷死地。老手交鋒穎。忽活曩死石。全勝碁名炳。

其十四

千金真難積。好運不易至。悲哉酒酒人。留連酒家醉。傲然不讓席。  
言語無序次。擲金如敝履。何惜酒錢貴。蕩盡初知得。世上貧苦味。

其十五

雲集平原客。盛筵遊俠宅。歌舞一朝止。誰訪榮華跡。悲此紅顏子。  
倏忽過半百。老大悔無能。雙鬢歎霜白。人間誰無死。光陰真可惜。

其十六

乃祖曾督夫。拮据畚田經。我又卜斯地。雇工樓屋成。穿山園圃拓。  
爾來歲星更。蓊鬱移植樹。清陰宜園庭。林泉屋後響。山鳥窓前鳴。

何問人爵貴。百年領閒情。

其十七

泥舟老居士。高節淵明風。憶昔辱知遇。披瀝我意中。居士幽冥客。  
音信今難通。思之秋庭步。秋庭月似弓。

其十八

咄々俗中士。收賄心得々。不顧邦家憂。邪說蒼生惑。巧逃法網中。  
法界殆壅塞。欺世稱好手。比々誤家國。幸有明法官。狂生獨默々。

其十九

可憐貪利人。老朽不致仕。朝露貪名利。勇退可潔已。賢哉彭澤老。  
一朝折腰恥。飄然賦歸來。解綬歸園里。高風千載傳。今尙補人紀。

吾生讀遺編。整襟謹舉止。嘉遜高人意。爵祿何足恃。

其二十



昔人學厭博。博識街奇新。却思焚書益。寥々少問津。

修養尙天真。區々尙末技。須優學士勤。勿言文明弊。

學修德益進。焚書罪暴秦。人情日澆季。感慨淚沾巾。

道眞行愈淳。方今良書少。何望六籍親。矯世期何時。

嗟乎今學士。惡書多於塵。徒喜浮華風。緬想羲皇人。

余、少壯在京日、辱高橋內藤二先生之知遇、今、兩先生逝、哀悼。

不能已、聊賦小詩以表追慕之意、

孤忠塞々致君公。家國多難善處窮。勇退生涯全氣節。清高誰比此人風。

其二

憂邦不願一身榮。烈々精神死亦輕。道德文章傳不朽。儒林獨有此先生。

寄前代議士西瀉大人

豪氣雄心壓壯年。始終一徹節尤堅。欽翁高踏凌霄志。方是明治魯仲連。

寄嵐溪醫院々主早川君

屋後高杉翠接天。清流屈曲遶園前。知是嵐溪君所宅。欽君巨資曾獨捐。

嵐溪醫院建設就。規模宏壯斷厓沿。軒窓相對八木峰。八木突兀聳天邊。

怪松鬱茂龍鱗古。不知年曆經幾千。颯々瑟瑟鳴萬籟。枝上鷹隼巢年々。

厓下忽看輕舟泛。一瞬如箭急流傳。舟師執權技入神。忽沒水煙出水煙。

中有泄々深潭在。潭中香魚鱸材鮮。里人釣得看卮酒。斷巖躑躅紅嬋娟。

厓上飛橋勢岌々。不霽何虹半空懸。西南開濶明眼界。白沙縹緲橫晴川。

一簇人家相櫛比。乃爲斯鄉民市廛。市廛貨物一屯聚。例年期日供給便。



此地由來適避暑  
 仙境何容俗累牽  
 日爲我越之名勝  
 盛夏游客來爭先  
 頃時醫術日進步  
 但憾衛生法未全  
 衛生最嫌空氣汚  
 病院地多塵境偏  
 塵境絕甚苦病者  
 此院建設豈偶然  
 况文方今流俗惡  
 汲々營々名利纏  
 誰抱濟世安民志  
 一擲肯捐千萬錢  
 君性任俠常賑恤  
 我視君行深致虔  
 美舉豈是忍默觀  
 感慨漫賦嵐溪篇  
 灌溉千里嵐溪水  
 何及君心仁且賢  
 雲嵐萬疊八木峰  
 何及君志高且堅

寄新潟旭臺前田翁

一帶信川北海濱  
 長流混々連雲津  
 松厓上有高士屋  
 仙境長自無紅塵  
 江上清風山間月  
 悠然樂此風景眞  
 高人不願猗頓富  
 室如懸罄何憂貧  
 胸間綽々有餘裕  
 幽間自適隴畝臣  
 曾執教鞭三十歲  
 刻苦盡瘁忘其身

北越教界令名著  
 老後恩給賜俸緡  
 已有賢妻助家道  
 又有孝子事慈親  
 一從日露戰爭起  
 慨然欲使士氣伸  
 乃起老人奉公會  
 遠寄新紙慰征人  
 東奔西走勉從事  
 老齡不敢厭苦辛  
 何恨百歲無知己  
 德也不孤必有鄰  
 平生常抱報國志  
 偏期日東正氣振





明治四十二年十二月二十日印刷  
明治四十二年十二月二十三日發行

著作兼  
發行者

小柳一藏

新潟縣南蒲原郡鹿峠村字飯田  
貳千五百八十八番地

新潟市東仲通一番町

印刷者

小林二郎

電話四百八番




259  
871

THE  
LIBRARY  
OF THE  
MUSEUM  
OF  
COMPARATIVE ZOOLOGY  
AND  
ANATOMY  
OF  
THE  
MUSEUM OF  
COMPARATIVE ZOOLOGY  
AND  
ANATOMY

NOV 11 1900  
MUSEUM OF COMPARATIVE ZOOLOGY  
AND ANATOMY  
HARVARD UNIVERSITY  
CAMBRIDGE MASS







特 71  
981

301524-001-7

特71-981

嵐溪樂府

小柳 一藏 著

M42.12

DBV-0001

259  
871